

ԱՆՑՄԱՆ ԽՕՄՔԵՐ
DISCORSI INAUGURALI



210-2021

Ն. Ս. Օ. Տ. Տ. ԳԱՐԵԳԻՆ Բ. ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ՕՐՀՈՒԹԵԱՆ ԽՕՍՔԸ

Գերապայծառ Լեւոն Սրբազան
Մեծայարգ Պարոն նախարար
Սիրելի ներկաներ

Ինձ համար մեծ պատիւ է եւ հաճոյք յորելեանական այս հանդիսութեանը ներկայացնել Ն. Ս. Օ. Տ. Տ. Գարեգին Բ. Ամենայն Հայոց Կաթողիկոսին եւ փոխանցել Ձեզ վեհափառ Հայրապետի օրհնութիւնը:

Մենք յաճախ ենք հպարտանում, որ մեր ժողովրդի կեանքում ունենք վեներելի Ս. Ղազարի նման մի վանք, Մխիթարեանների նըման մի լուսաւոր եւ հաւատաւոր միաբանութիւն եւ «Բագմավէպ»ի նման 175ամեայ մի պարբերական:

Ս. Ղազարը շատերի համար մի փոքրիկ Հայաստան է վեներելի եւ ծովածոցում, հայագիտական մի անգերազանցելի կաճառ, մեր ժողովրդի լուսաւոր ջահ, յատկապէս անցնող դարերին, երբ դրա կարիքը չափազանց մեծ էր:

Ինձ համար Ս. Ղազարը աղօթքի վայր է, ուր ամէն օր իջնում է Աստուած եւ այդ վայրը դարձնում աղօթք:

Այսօր, երբ երբեմն փորձ է արւում մեր բրիստոնէական եւ ազգային անանցանելի արժեքներին տալ նոր մեկնաբանութիւն, չափանիշ ընդունելով արեւմտեան ո՛չ իրական, այլ կեղծ արժեքներ, Բագմավէպի պատգամը առաւել եւս անհրաժեշտ է դառնում:

Մաղթում եմ, որ թէ՛ Մխիթարեան միաբանութիւնը ի վեներելի, ի վիեճառ եւ ի Հայաստան, եւ թէ՛ Բագմավէպը առաւել եւս արդիւնաւորեն մեր ժողովրդի կեանքում իրենց մշտական եւ մնայուն ներկայութիւնը:

Աստուած թող բոլորիս հետ լինի:

ԵԶՆԻԿ ԱՐԲԵՊԻՍԿՈՊՈՍ ՊԵՏՐՈՍԵԱՆ
Միաբան Մայր Աթոռ Ս. Էջմիածնի

